

Нормативтік құқықтық актілердің мәтіндерін кейіннен ресми жариялау саласындағы тәуекел дәрежесін бағалау өлшемдерін және нормативтік құқықтық актілердің мәтіндерін кейіннен ресми жариялау саласындағы Қазақстан Республикасы заңнамасын сақталу мәніне тексеру парағының нысанын бекіту туралы

Күшін жойған

Қазақстан Республикасы Экономикалық даму және сауда министрінің 2010 жылғы 5 мамырдағы N 30 және Қазақстан Республикасы Әділет министрінің 2010 жылғы 28 сәуірдегі N 148 Бірлескен Бұйрығы. Қазақстан Республикасы Әділет министрлігінде 2010 жылғы 2 маусымда Нормативтік құқықтық кесімдерді мемлекеттік тіркеудің тізіліміне N 6273 болып енгізілді. Күші жойылды - Қазақстан Республикасы Әділет министрінің м.а. 2011 жылғы 5 мамырдағы N 177 және Қазақстан Республикасы Экономикалық даму және сауда министрінің 2011 жылғы 18 мамырдағы N 138 Бірлескен бұйрығымен.

Күші жойылды - ҚР Әділет министрінің м.а. 2011.05.05 N 177 және ҚР Экономикалық даму және сауда министрінің 2011.05.18 N 138 (ресми жарияланған күнінен кейін он күнтізбелік күн өткен соң қолданысқа енгізіледі) Бірлескен бұйрығымен.

«Жеке кәсіпкерлік туралы» Қазақстан Республикасы Заңының 38-бабының 2-тармағына сәйкес

БҰЙЫРАМЫЗ:

1. М ы н а л а р :

1) осы бұйрыққа 1-қосымшаға сәйкес нормативтік құқықтық актілердің мәтіндерін кейіннен ресми жариялау саласындағы тәуекел дәрежесін бағалау ө л ш е м д е р і ;

2) осы бұйрыққа 2-қосымшаға сәйкес нормативтік құқықтық актілердің мәтіндерін кейіннен ресми жариялау саласындағы Қазақстан Республикасы заңнамасын сақталу мәніне тексеру парағының нысаны бекітілсін.

2. Қазақстан Республикасы Әділет министрлігінің Заңнама департаменті (А.Н. Е с қ а р а е в) :

1) осы бұйрықты Қазақстан Республикасы Әділет министрлігінде мемлекеттік т і р к е у д і ;

2) мемлекеттік тіркелгеннен кейін оны ресми жариялауды;

3) осы бұйрықты Қазақстан Республикасы Әділет министрлігінің Интернет-ресурсында жариялауды қамтамасыз етсін.

3. Осы бұйрықтың орындалуын бақылау жетекшілік ететін Қазақстан

Республикасының Әділет вице-министріне жүктелсін.

4. Осы бұйрық алғаш ресми жарияланған күнінен кейін он күнтізбелік күн өткен соң қолданысқа енгізіледі.

Қазақстан Республикасының
Экономикалық даму және
сауда министрі

Ж. Айтжанова

Қазақстан Республикасының
Әділет министрі
_____ Р. Түсіпбеков

Қазақстан Республикасы Экономикалық
даму және сауда министрінің

2010 жылғы 5 мамырдағы № 30

және Қазақстан Республикасы

Әділет министрінің

2010 жылғы 28 сәуірдегі № 148

бірлескен бұйрығына

1-қосымша

Нормативтік құқықтық актілердің мәтіндерін кейіннен ресми жариялау саласындағы тәуекел дәрежесін бағалау өлшемдері

1. Нормативтік құқықтық актілердің мәтіндерін кейіннен ресми жариялау саласындағы тәуекел дәрежесін бағалау өлшемдері «Жеке кәсіпкерлік туралы» Қазақстан Республикасы Заңының 38-бабын және «Нормативтік құқықтық актілер туралы» Заңын орындау мақсатында нормативтік құқықтық актілерде мәтіндерін кейіннен ресми жариялау құқығын алған субъектілерге жоспарлы тексеріс жүргізу үшін әзірленген.

2. Осы өлшемдерде мынадай ұғымдар пайдаланылады:
бақылау субъектісі - нормативтік құқықтық актілерде мәтіндерін кейіннен ресми жариялау құқығын алған жеке және заңды тұлғалар;

тәуекел-субъектілердің қызметі нәтижесінде зиян келтіру салдарының ауырлық дәрежесі ескеріле отырып, нормативтік құқықтық актілерді ресми мәтіндерін кейіннен жариялау кезінде нормативтік құқықтық актілердің эталондық бақылау банкіне корректорлық және редакторлық түзетулер мен қысқартумен олардың нақты сәйкессіздігінен мемлекетке, жеке тұлғаларға және заңды тұлғаларға зиян келтіру ықтималдығы;

нормативтік құқықтық актілердің ресми мәтіндерін кейіннен жариялау - Қазақстан Республикасы нормативтік құқықтық актілерінің эталондық бақылау банкіне сәйкестік сараптамасынан өткен нормативтік құқықтық актілерді баспа б а с ы л ы м ы н д а ж а р и я л а у .

3. Алғашқыда барлық бақылау субъектілері төменгі тәуекел дәрежесіне ж а т қ ы з ы л а д ы .

4. Бұдан әрі тексеру нәтижелері бойынша өлшемдер бойынша жинаған баллдарды есепке ала отырып, тексеруден өткен бақылау субъектісі тәуекел дәрежесінің тиісті топтарына қайта бөлінеді:

1) бес жылда бір рет тексеру жиілігімен тәуекел дәрежесінің төменгі тобына тексеру нәтижесі бойынша 2 балл жинаған бақылау субъектілері жатады;

2) үш жылда бір рет тексеру жиілігімен тәуекел дәрежесінің орташа тобына тексеру нәтижесі бойынша 3 балл жинаған бақылау субъектілері жатады;

3) бір жылда бір рет тексеру жиілігімен тәуекел дәрежесінің жоғары тобына тексеру нәтижесі бойынша 5-тен бастап 10-ға дейін балл жинаған бақылау с у б ъ е к т і л е р і ж а т а д ы .

5. Тәуекел дәрежесін бағалаудың өлшемдері болып мыналар табылады:

нормативтік құқықтық актілердің мәтіндерін кейіннен ресми жариялау кезінде олардың қолданысқа енгізілген күні көрсетілмеген - 2 балл;

жарияланатын нормативтік құқықтық актілерге баспа басылымдарының түсініктемелері болуы - 3 балл;

нормативтік құқықтық актілердің мәтіндерін кейіннен ресми жариялауда нормативтік құқықтық актілердің эталондық бақылау банкіне корректорлық және (немесе) редакторлық түзетулермен және (немесе) қысқартулармен сәйкес келмеуі - 5 балл.

Қазақстан Республикасы Экономикалық
даму және сауда министрінің

2010 жылғы 5 мамырдағы № 30

және Қазақстан Республикасы

Әділет министрінің

2010 жылғы 28 сәуірдегі № 148

бірлескен бұйрығына

2-қосымша

Нысан

Тексеру парағы

Тексеруді тағайындаған әділет органы _____ (облыстардың, Астана, Алматы қалаларының әділет департаменті), _____

Тексеруді тағайындау туралы акті _____
(Күні _____, № _____)

Жеке тұлғаның аты-жөні немесе заңды тұлғаның атауы _____
(филиалдар немесе өкілдіктер) _____

№	Талаптардың тізбесі	Иә	Жоқ
1	Кейіннен ресми жариялау құқығын алған баспа басылымдары нормативтік құқықтық актілердің ресми мәтіндерін Қазақстан Республикасының нормативтік құқықтық актілерінің олар эталондық бақылау банкіне нақты сәйкес болғанда корректорлық және редакторлық түзетулерсіз және қысқартусыз жариялайды		
2	Нормативтік құқықтық актілерді кейіннен ресми жариялау кезінде жарияланатын нормативтік құқықтық актілерге баспа басылымдарының түсініктемесі беріледі		
3	Нормативтік құқықтық актілердің мәтіндерін кейіннен ресми жариялау кезінде олардың қолданысқа енгізілген күні көрсетілген.		

Тексеруді жүзеге асырған тұлғаның (тұлғалардың) аты-жөні, қолы қызметтік телефонының №: _____